



THE CABLE & WIRELESS
CHARITABLE
FOUNDATION
RESUMEN DI AÑA 2021

DEN E EDISHON AKI:

Mensahe di Inge Smidts.....	1
Konstruyendo pa futuro.....	2
Profil di Empleado Boluntario.....	3
Nos Promesa.....	4
Nos Aña den Sifranan.....	5
Resumen di nos Subsidionan di 2021.....	6
Jamaica ta den Full Swing.....	7
Enfoke na Trinidad.....	8
No djis Inteligente, Ciber-Inteligente.....	10
Un palu kada bes.....	11

Mensahe Di Inge Smidts

Miéntras mi ta reflehá riba e trabou di Cable & Wireless Charitable Foundation (CWCF), mi ta yen di gratitut pa esnan ku ta sostené nos i ku konsistentemente ta sali dilanti ora di atversidat pa hasi un impakto positivo riba e komunidadnan ku nos ta sirbi. Boso generosidat ta sigui asombrá mi.

Den 2021, enfrentando un di dos aña di e pandemia di COVID-19, hopi di nos komunidadnan tabatin difikultat pa keda konektá i otronan a konfrontá aktonan poderoso di naturalesa ku a menasá nan bienestar. Komo reakshon riba e retonan akí, CWCF a mantené nos kompromiso pa kuida i perkurá pa nos hendenan i mantené nos klientenan konektá.

Ku nos partneman i sostenedónan, nos a subi e konektivitat online pa skolnan i komunidadnan na Turks and Caicos i Honduras, nos a duna sentenares di aparato pa siñamentu online den 10 merkado di Karibe i Latino Amérika, i nos a kontinuá ku un programa piloto pa entrenamentu i desaroyo di karera na Jamaica. Danki pa yuda nos alkansá progreso real p'e komunidadnan ku nos ta sirbi!

Na St. Vincent and the Grenadines despues di erupshon di La Soufrière, boso a yuda nos pa kuida nos empleadonan i klientenan, hiba hende na lugánan sigur, duna awa, kuminda i kama, i ofresé sosten pa alivio i rekuperashon di e komunidadnan afektá. Danki pa yuda nos sostené nos hendenan den nan momentu di nesesidat.

Semper nos ta mira e retonan di e komunidadnan ku nos ta sirbi komo nos retonan, i nos ta mashá honrá di por ta partner ku boso pa yuda enfrentá e retonan akí frontalmente.

Den e informe anual di e aña'kí mi tin e plaser di kompartí un rekuento di e impakto di CWCF for di diferente perspektiva, asina enfatisando e sosten importante di nos partneman, empleadonan i klientenan, i mi ta ansioso pa traha ku boso pa huntu nos sigui traha riba e progreso akí den e aña ku ta nos dilanti.

Atentamente,

Inge

Chair, Cable & Wireless Charitable Foundation
CEO, Cable & Wireless Communications



Konstruyendo pa futuro

“Tin hopi kurason,” Direktor Ehekutivo di CWCF Noelle Smikle ta deklará tokante su pais Jamaica. T’e oportunidad di pone e kurason ei traha no solamente na bienestar di Jamaica – pero tambe p’e komunitatnan ku CWCF ta sirbi rònt Karibe i Latino Amérika – a tres’é n’e Fundashon na novèmber 2020.

Pa bai laga Best Buddies International, kaminda el a pasa kasi 8 aña den e área di administrashon i desaroyo, i kambia p’e inseguridat di tuma un ròl nobo mei mei di un pandemia mundial, tabata un desishon intimidante – pero e chèns pa yuda mehorá bida di e hendenan den e region kaminda su famia i amigunan ta yama kas, tabata muchu bon pa laga pasa bai. “Mi ta asina privilegiá di por sirbi hende ku ta manera mi, i ku tin eksperensianan similar na mi,” e ta bisa.

For di su yegada, Noelle a pone su mes pa transformá CWCF di un organisashon ku prinsipalmente ta skirbi cheque pa otro fundashonnan, pa unu ku ta bira partner direktamente ku e komunitatnan ku e ta sirbi. E kompromiso ei tabata bisto ora e fundashon a drenta akshon despues di e erupshon volkániko na St. Vincent and Grenadines i despues ku orkan a asotá St. Lucia i Nicaragua, antó mesora a asistí den esfuersonan di rekuperashon i a proveé e suministronan nesesarío.

Pero e prueba real no ta sintá solamente den CWCF su reashon práktiko pa ku desasternan natural, pero den e konstrukshon i desaroyo di kapasidat a largo plaso, kual Noelle ta mira komo su mision na CWCF. “Di naturalesa mi ta un konstruktor,” e ta bisa ku tur naturalidat.

E Fundashon a keda establese na 2017 ku e meta pa yuda e region di Karibe rekonstruí despues di e orkannan Irma i Maria, pero den Noelle su promé aña el a mira e fundashon ekspandé su mision pa enfoká riba oumento di aksesio online i mehorá oportunidadnan di siña pa hendenan den tur e regionnan ku e Fundashon ta sirbi.

Danki na e sosten di un ret di boluntarianan, e Fundashon awor ta tumando un estilo mas práktiko, i ta hasi donashon di aparatonan direktamente na skolnan i studiantenan, ademá di ofresé lésnan di ‘online learning’ i ‘cyber safety’, i tambe desaroyá programanan pa iniciativa empresarial (‘entrepreneurship’). Noelle ta poniendo su kurason pa sigui traha n’e iniciativanan akí pa futuro.



Profil di Empleado Boluntario Embahador di Desaster

Ora orkan Irma a pasa den Karibe na sèptèmber 2017, lagando atras e islanan den e region tur destrosá, Alana Naraine-Huggins a drenta akshon, biahando rápidamente pa St. Lucia for di su kas na St. Vincent and the Grenadines. Unabes el a yega St. Lucia, el a usa su eksperensia komo Direktor di 'Global Logistics-Supply Chain' di Liberty Latin America pa traha n'e esfuerso di rekuperashon, reglando e atkisishon i suministro di kuminda, awa, produktonan médiko i nesesidatnan doméstiko. Ora orkan Maria a pasa despues di apenas dos siman, Alana a bai pone mas atenshon na Dominica, ku a keda destrosá p'e segundo orkan akí.

Pero na aprel di aña 2021, ora e volkan La Soufrière a eruptá riba e isla di St. Vincent, no tabatin niun kaminda pa bai. E biaha akí desaster a presentá na kas mes. Komo reakshon riba e miedu i káos rondó di dje, enbes di hui bai manera hopi otronan, Liberty Latin America su Embahador di Desaster a disidí na kuminsá traha, hasiendo loke el a hasi asina tantu biaha kaba pa otro komunitatnan den Karibe ku a keda afektá pa un katástrofe.

Usando su eksperensia personal di tempu el a lanta i krese na kosta di Guyana, kaminda su komunitat tabata keda asotá frekuentemente pa inundashon, i tambe su konosementu profeshonal, su entrenamentu i eksperensia den maneho di riesgo, Alana tabata sa ku e no mester drenta pániko, sino enfoká riba loke ta'tin mester i kiko e por a hasi pa yuda.

Miéntas e isla tabata bou di shinishi, ku skarsedat di awa i rèkinan den supermerkadu ku a keda bashí, Alana a konektá ku CWCF i a trese huntu e tim di FLOW St. Vincent. El a traha mapa di puertonan i rutanen di suministro i a charter un boto for di Grenada, i a koordiná e donashon i transporte di 20 mil liter di awa, kuminda, tapaboka, brel di protekshon, produktonan médiko i 400 kama, kusinchi, laken i slopi pa pone den shèlternan pa akomodá esnan ku a keda sin kas.

Manera den hopi desaster den pasado, CWCF a demonstrá su kompromiso di tei presente pa su komunitatnan den momento di krisis. CWCF a move rápidamente pa respondé n'e nesesidatnan di empleadonan, nan famianan, klientenan, i e komunitat en general. Nan a duna alivio na St. Vincent, kumpliendo ku e petishonnan di National Emergency Management Organisation (NEMO), i kontribuyendo ku lo siguiente: yuda hende keda konektá ku data grátis, duna krédito di emergensia pa rekargá selular, posponé resibu i but, i ademá duna aparato grátis i konektivitat di data na NGO-nan ku tabata bin yuda riba e isla.

Resientemente, gran parti di e sosten di CWCF tabata ser koordiná pa hendenan manera Alana Naraine-Huggins, kende tabata pasando den e desaster nan mes. Segun Direktor Ehekutivo di CWCF, Noelle Smikle, ta e relashonnan ku Alana tabatin ku e hendenan lokal, a permití e Fundashon pa konektá ku e komunitat riba un nivel humano durante e krisis. "Pa motibu di su relashonnan, Alana por a komuniká, no loke e tabata kere ku e hendenan den komunitat tabatin mester, sino loke realmente nan ta'tin mester. Manera un gran embahador," Smikle a bisa.

"Everyone can be great, because everyone can serve."

-Martin Luther King, Jr



Nos Promesa

Den Liberty Latin America, nos ta kere ku nos tin un responsabilidadat:
Pa fasilitá progreso i konstruí komunidadnan mas resistente.

Nos ta duna bida na esaki pa medio di un aserkamentu igual den nos merkadonan,
ku enfoke riba kuater área klave.

SIÑAMENTU

CWCF ta komprondé ku siñamentu ta un proseso kontínuo. For di alumno di skol básiko i universitarionan te ku empresarionan ku ta kuminsando nan negoshi, nos ta sostené programanan di siñamentu, entrenamentu i 'mentorship' pa fasilitá kresementu i desaroyo di miembronan di nos komunidadnan.



AKSESO

CWCF ta usa e poder di eksperensia empresarial i kapasidat operashonal di su kompania mama pa ekspandé konektividat pa esnan ku no tiné, ofresiendo nan e posibilidatnan di akseso digital na henter mundu, kual alabes ta transformá nan bida.



MEDIOAMBIENTE

Tin solamente un planeta, i nos mester proteh'é pa futuro generashonnan. CWCF ta komprometé na preservashon ambiental, regenerashon i stimulashon di resiliensia den e komunidadnan ekológikamente vulnerabel di Karibe i Latino América.



ALIVIO PA DESASTER

Nos a pasa dor di un òf dos tormenta. Temblor, orkan, krisis di salubridat i otro eventonan ta impaktando Karibe i Latino América konstantemente. Nos lo tei semper pa yuda sigurá ku nos komunidadnan lo bòn bèk mas fuerte ku nunca.



Nos ta tuma nos responsabilidadat na serio

Paso nos sa ku konektividat ta importante i nos ta **#InThisTogether**

Nos Aña den Number

2021 tabata yen di akitividadnan ku tabatin impakto positivo riba nos komunidadnan



170

Donante

2x kontribushon
igualá
pa Cable & Wireless
Charitable Foundation

+4k 
ora boluntario

Inisiativanan den 20
país

5,050 

studiante ku a ser yudá

Partnership ku
60 skol

16.5k 
empresario ku a ser impaktá

A duna yudansa na
1.4k famia

afektá pa desasternan natural

+2,100 
palu plantá

Resúmen di Supsidionan den 2021

SIÑAMENTU




Sabiendo ku siñamentu digital i MSME ta crítico pa progreso na Jamaica, CWCF i su partner Flow Foundation, a lansa un proyekto piloto pa ofresé un programa online di sertifikashon pa empresarionan, ku ta kubri abilidadnan digital i tambe duna entrenamentu grátis den diferente tópiko relevante na profeshonalnan i doñonan di empresa chikí. E kontenido di tur esakinan ta bini di e mihó editorialnan na mundu. CWCF/FLOW a duna tambe finansiamentu inisial pa "The Hive," ku ta Jamaica su plataforma online mas konosí pa 'freelancers' i empresarionan. \$400,000

MEDIO AMBIENTE



Rekonosiendo ku palunan ta protehá islanan vulnerabel for di e potensial efektonan devastador di kambio di klima dor di redusí e riesgo di inundashon, protehá kontra di intrushon di awa salu i mehorá kalidat di nos airu, CWCF a yuda Walkers Institute for Regenerative Research, Education (WIRRED) planta un palu pa kada habitante di Barbados. E subsidio a duna fondo pa establese un 'mobile web app', un plan di komunikashon stratégiko i konsientisashon, i programanan di entrenamentu edukashonal den permakultura. Durante 30 luna, mas ku 2100 palu a ser plantá komo resultado di e subsidio. \$100,000

AKSESO



CWCF a lansa su iniciativa 'Access for Success' (Aksesu pa Éksito) den 12 merkado den Karibe i Latino Amérika. E programa ta enfoká riba seramentu di e buraku ku tin entre esnan konektá i esnan no-konektá, dor di duna aparatonan ku ta 'data enabled', proveé konektivitat di internet na skolnan i lokalidatnan di bario, i tambe siñamentu digital aksesibel pa studiantenan, mayoran i maestronan. E fase inisial di e proyekto a inkluí distribushon di mas ku 1500 aparato i konektivitat di internet na 10 skol. \$200,000

CWCF a sostené e programa 'Adopt-A-School' di e Ministerio di Enseñansa di Trinidad & Tobago, hasiendo donashon di 150 tablet, halsando servisio i subiendó e 'bandwidth' pa maestronan i skolnan. \$25,000

ALIVIO DEN DESASTER



Despues ku Consejo Regional Autónomo de la Costa Caribe Norte, un komunidad indígeno na Nicaragua a keda destrosá pa orkanan Eta i Iota, CWCF a proveé plachi di zim, klabu, kombustibel i lubrikante pa yuda ku rekonstrukshon di skolnan públiko lokal i tambe asistí ku transporte di material i otro nesidadnan den e komunidad. \$5,000

Reglando pa haña un boto privá di charter, CWCF a atkerí i entregá awa na 750 famia i kama na 600 famia na St. Vincent and the Grenadines despues di erupshon di e volkan La Soufrière. E kamanan a ser duná den partnership ku CWCF su organisashon ruman, Liberty Foundation Puerto Rico. \$51,000

CWCF a proveé matras pa 35 famia despues ku orkan Elsa a pasa, kousando inundashonnan na St. Lucia. E donashon tabata parti di e iniciativa di National Emergency Management Organisation (NEMO), ku a sostené 300 famia den region. \$5,000

Fasilitando Progreso pa medio di Inklushon Digital na Jamaica

JAMAICA TA DEN FULL SWING.

E impakto di e pandemia mundial di COVID-19 riba Jamaica tabata katastrófico. Turismo, komersio i produktivitat tur a baha, antó medidanan di protekshon ku a keda implementá komo reakshon riba e menasa, lo tin konsekuensianan ekonómiko i sosial riba término largu p'e pais.

Pero e instabilitat ekonómiko i inseguridat ku COVID a okashoná, alabas a alimentá un periodo históriko di kresementu empresarial. Manera hopi otro pais rònt mundu, Jamaica a eksperensia kantidatnan rèkòrt di registrashon di negoshinan nobo den e último aña, kaminda e 'Companies Office' di Jamaica a reportá un máksimo di 17.039 negoshi i 4.878 kompania registrá den 2021

CWCF ta sostené e spiritu empresarial akí na Jamaica kompletamente. Den partnership ku FLOW

Foundation, nos a lansa un programa piloto enfoká riba desaroyo nashonal pa medio di edukashon digital i ekspanshon empresarial rònt e pais.

CWCF i FLOW a identifiká siñamentu digital i sosten na 'micro, small and medium enterprises' (MSMEs) komo fasilidatnan krítiko pa progreso, tantu na nivel individual komo di komunidad. P'esei CWCF i FLOW a uni ku Mona School of Business and Management na University of the West Indies pa ofresé un programa online di sertifikashon pa empresarionan, ku ta kubri abilidadnan digital. Partisipantenan ta haña entrenamentu profeshonal den diseño gráfiko, merkadeo digital, krea kontenido ('content creation') i tambe coaching den desaroyo personal i 'mentoring' pa empresarionan.

Trahando den partnership ku One on One Educational Services, e Fundashon ta ofresiendo tambe entrenamentu grátis pa profeshonalnan i doñonan di empresa chikí, usando kontenido di e mihó editorialnan na mundu, inkluso Google, Amazon, i Project Management Institute (PMI). E programa di sertifikashon ta ofresé kursonan den un variedat di tópiko, inkluso abilidadnan empresarial, teknologia, kumplimentu, diversidat, ekuidat, i inklushon i bienestar.

Pa ekspandé proyektonan empresarial rònt Jamaica, nos a proveé tambe finansiamentu inisial pa "The Hive," ku ta Jamaica su plataforma online mas konosí ku ta konektá profeshonalnan lokal i empresarionan ku oportunitatnan di negoshi i kompanianan rònt mundu.

INSTRUKSON DEN ABILIDAT DIGITAL

+3.4k 
studiante registrá

130 
sertifikado entregá

TRAINING PA PROFESHONALNAN

+4k 
kursonan kompletá

1,500+ 
maestronan entrená

Spotlight Riba Trinidad Donashon di aparato na skolnan

TA REKERÍ UN PUEBLO

E Minister di Enseñansa di Repùblika di Trinidad & Tobago, Dr. Nyan Gadsby-Dolly, ta gusta rekordá nos ku enseñansa i edukashon ta rekerí un pueblo, i ku sektor privá tin un ròl di hunga pa ku invershon den nos muchanan. Esei semper ta e kaso, pero nunca mas tantu ku durante e último aña, kaminda asta sistemanan edukashonal mesun eksitoso ku esun di Trinidad, mester a traha èkstra duru pa tene studiantenan riba skema durante e pandemia mundial.

Komo parti di su enfoke kontínuo riba sostené aktividatnan ku ta fasilitá progreso den komunitatnan,

manera inisiativanan di edukashon digital komo reakshon riba e pandemia di Covid-19, CWCF a hasi donashon di 250 aparato na skolnan rònt e pais, atraves di e Ministerio su Programa di 'Adopt-A-School', pa mehorá aksesu di studiantenan na enseñansa online miéntras nan ta na kas.

E aparatonan a ser duná na studiantenan i skolnan kaminda CWCF su kompania mama resientemente a proveé servisionan di internèt, dunando skolnan i studiantenan tantu e aparatonan komo e konektivitat nesenario pa habri un mundu di posibilidat ku por transformá nan bida.




'Hybrid Learning Solutions'

ALKANSÁ STUDIANTENAN KAMINDA NAN TA

Ademas di hasi donashon di aparato, FLOW Trinidad a duna seis 'Hybrid Learning Solutions' (HLS) na skolnan rònt Trinidad komo parti di su "Mission Week" di 2021, kual ta un inisiativa anual kaminda empleadonan ta kontribuí nan tempu, energia i konosementu pa hasi un impakto positivo riba e komunidadnan ku nos ta sirbi.


HLS ta reforsá CWCF su kompromiso pa halsa siñamentu i subi konektivitat. E módulo di enseñansa ta inklui hardware, software, entrenamentu i sosten pa dosentenan, instalashon i sosten tékniko i mantenshon, i ta proveé un plataforma digital pa dosentenan por duna nan lèsnan na studiantenan, tantu den klas komo na kas via Zoom, Teams, Google Meet, òf otro plataformanan di video conferencing.

Lumio, e software 'cloud-based', ta permití kolaborashon den tempu real kaminda studiantenan por interkambiá i kontribuí na ehersisionan di kreashon di kontenido ('content creation'). Dosentenan por asigná tambe aktividatnan den grupo òf individual i monitoriá e progreso di studiantenan, antó duna sosten i feedback inmediato. E plataforma ta permití dosentenan tambe pa importá nan lèsnan eksistente i otro rekursionan pa duna lès, i mehorá nan ku komponentenan personalisá, inkluso weganan i espasionan kolaborativo pa traha, antó manda esakinan direktamente n'e studiantenan su aparatonan for di un 'browser', Google Drive™ òf Microsoft Teams®.



Entrenamtu di 'Online Security' 'NOT JUST SMART, CYBERSMART'

Mehorá konektivitat pa hendenan di Karibe i Latino América ta sentral den nos mision, pero nos sa ku ora tin mas konektivitat tin mas riesgo tambe, spesialmente pa mucha i hóben adulto. P'esei FLOW Trinidad a kontribuí na su Mission Week dor di duna un seshon via live stream tokante 'cyber safety tips' pa hóben adulto na Bishops Anstey Trinity College East. E seshon a ser guiá pa Daren Dhoray di CyberSafeTT, kende ta un 'Digital Anthropologist, Cyber Safety Evangelist and Social Media Entrepreneur'. Alrededor di 400 estudiante a partisipá online n'e seshon, kual ta parti di un serie di seminario ku FLOW ta ofresé na studentenan rònt Trinidad.



Supsidio pa planta palu na Barbados

PLANTA PALU UN PA UN

Komo un nashon isleño ('island nation'), Barbados ta partikularmente vulnerabel pa rískonan di kambio di klima, inkluso subida di nivel di laman, inundashon i eroshon. E konsekuensianan di e riesgonan akí tin e potensial pa destruí bienestar ekonómiko di e pais, ku ta dependé grandemente di turismo i tambe afektá salú di e pueblo, kual su suministro di awa ta vulnerabel na intrushon di awa salu.

Barbados ta komprondé perfektamente e severidat di e riesgonan ku e ta konfrontá. Ta p'esei e pais a lansa "The Barbados National Tree Planting Project," un iniciativa ku tin komo meta planta 1 mion di palu rònt Barbados. E programa ta rekonosé ku palunan ta un di e mihó defensasnan ambiental kontra e efektonan di kambio di klima, i ta yuda redusí e riesgo di inundashon, absorbé e 'koolstofdioxide' ku ta dañino, i mehorá kalidat di airu.

Komo parti di e esfuerso nashonal akí, CWCF a partner ku e grupo ambiental Walkers Institute for Regenerative Research, Education (WIRRED) dunando nan un supsidio di \$100,000 pa sostené "1 Tree 1 Bajan," ku ta WIRRED su plan pa planta un palu pa kada Bajan (habitante di Barbados).

Pero enbes di djis paga pa e plantamentu di palu, CWCF su kontribushon a duna sosten di un manera ku ta reflehá nos compromiso kontínuo na mehorá konektivitat i siñamentu den e komunitatnan ku nos ta sirbi.

Banda di finansí e diseño i lansamentu di un 'mobile web app' p'e proyekto, CWCF su donashon a permití planiashon i ehekushon di un plan di komunikashon stratégiko pa envolví un koalishon di partner for di diferente sektor pa e plantamentu, ademas di un serie di programa edukashonal interaktivo pa duna miembronan di komunitat entrenamentu práktiko den téknikanan di permakultura ku nan por apliká den nan mes ambiente, i un iniciativa di 'Arte pa Palunan' ("Art for the Trees"), pa traha riba konsientisashon i stimulá konservashon di medioambiente serka e pueblo di Barbados.

E programa di 30 luna ku a finalisá na final di 2021, ta un ehèmpel briante di CWCF su sosten pa preservashon ambiental, regenerashon i stimulashon di resiliensia den e komunitatnan ekológikamente vulnerabel di Karibe i Latino Amérika.



Masha Danki!

Masha danki pa inbertí den komunitatnan di Latinoamérica i Karibe. Danki na abo nos por a nabegá den loke ta deskonosí, i adaptá nos mes na un normal nobo. Bo a apoyá esnan ku mas tabatin mester di dje, na momento ku tabata mas importante, i pa esei nos ta agradecido. Bo tabatin un tremendo impakto den bida di miles di persona den henter e region.

The Cable & Wireless Charitable Foundation ta komprometé na konektá i empoderá komunitatnan i nos ta spera di por konta ku bo apoyo kontinuo na nos esfuersonan ku nos ta hasi pa medio di donashon, trabou boluntario i e liderazgo di bo mes inisiativanan lokal den bo komunitat.
www.cwc.com/live/corporate-responsibility/cable-wireless-foundation.html



Nos ta hasie mihó i
nos ta hasie ku ánimo

Bishitá nos wèpsait www.cwc.com òf tuma kontakto ku noelle.smikle@cwc.com pa tuma mas informashon.